



# d'Aufblattler Tanzherrn Rud

Nach Absage im Coronajahr 2022



<p>In Neukircha, do is gwiss, doss Oaner Ortsbau'n-Obmann is', welcher vertritt mit ganzer Kraft die Anliegen der Landwirtschaft. – Es steht recht viel auf dem Spiel, doch macht er´s guat, so hab'n ma´s G`fühl! Da „Arbeshuaber“ z' Steinersdorf – er packt halt d' Schweindl nuh ban Schwoaf!</p>	<p>Da Hofer Sepp LIEBT Schäfl-Decken! – Da kannst Di einroll'n und verstecken, weil de san kuschelig und warm! – Wann si d' Gerlinde amoi „derbarmt“, dann muass'n vorher „aussa“ wickeln, bevor sie findt sei „bestes Stück“. – Und hod s'´n dann amoi „heraußt“, is' mit da Geilheit wieder aus...</p>
<p>In Plass Hannes, soit's ruhig wissen, hat's de Stiaɡ'n owe g'schmiss'n! – Ma sagt, eahm hat´s a wengerl „g'wandelt“.– Drauf hat er über d' Conny grantelt, sie hätt' eahm d' falschen Söckin kaft, da rutscht ma aus wia auf da Saf'! – Doch in sein' „Zuastand“, blunznfett“, is' OIS a SCHWIERIGES „Parkett“...</p>	<p>In Neukircha, kannst erfahr'n, do tans jetzt nach Erdöl bohr'n, weil schließlich san s'´s sogoa in Siagn schau fündig word'n, mir tan net liag'n! Bislang war in Steyr-Land über Sierning nur bekannt, doss in dera „roten“ Gmoa d' „Nasen-Bohrer“ san dahoam...</p>
<p>Da Maxl Mayrhofer aus Siagn, er mog in Kitzbühel d' „Streif“ „derbiag'n“ und schafft´s PROBLEMLOS „heil“ ins Ziel. Der Mann, der woäß halt, wos er will! Für an Siagna, do is' g'wiss, doss des a HÖCHSTLEISTUNG wohl is'! Da Durschnitts-Siagna, so glaub i, schafft´s grad amoi d' Hochstraß'n aufi...</p>	<p>D' Irene Moser, so a Schmarrn, is' wieda moi NET „Erste“ word'n :( Sie hat EH tan, was sie kann, doch Buagamoasta BLEIBT a Mann! – Siagn is' halt a „rote“ Gmoa. – Moserin, heast i moan: Für DES „Amterl“ bist Du z' „g'ring“! – Schmäh führ'n, des is' MEHR Dei' Ding...</p>
<p>Neulich wird in ´n Franzmayr Fred a Frosch im Schwimmteich sauber z' bled! – Und weil er goa so laut hat quakt hat er ´n mit'n „Kesher“ „aussa“ zaht! – Er setzt´n „aus“, kimmt „laari“ z´ruck. – Da Frosch findt hoam mit an „Ho-ruck“! – Drauf bringt da Fred eahm „weg“ nuh weiter. Fürn Frosch war des wohl EH des g'scheida!</p>	<p>Stelzer und Langer-Weninger: uns're zwoa „Menschen-Bändiger“. Fast Jeder da in unsern Land frisst eahna schee brav aus der Hand! Koa Wunder bei dem mords Budget: do tuat a „Hunderter“ net weh! Es werd´s ja DOH wohl in Gott's Nam' für d' Ruden A wos über ham...</p>
<p>Ban "Steyrleitner" geht NIX schief, weil DORT san s'´ innovativ! - Als g'schickte "Selbst-Vermarkterin" hat d' "Mary" "BIO" nur im Sinn! Durchs Fenster kriagt de Kundschaft d'Woar', des g'freut de Mauna ganz und gar! Des is' GENAU nach eahnan G'schma(ck)! So kimmt des "Fensterln" dert net a(b)...</p>	<p>In „Schnecki“ hab'n s', so wirds verzählt, zan Buagamoasta wieder g'wählt! – Im Gegensatz zan Gernot Blümel is' da Karl im „siebten Himmel“! Zum Unterschied van „Basti“ Kurz san eahm de Landsleut net schnurz! – Ba unsern „Orts-Chef“, da is' g'wiss, er is' halt „schwarz“ und NET „türkis“...</p>